



嘉慶庚申臣鉞以戶部主事召直懋勤殿御蒙

臣鉞

仁宗睿皇帝賜和宸章速改官翰林至庚辰之秋已三十年矣

積至五六百篇顧或宸游扈從賡韻未安內宴聯吟僅成

俄頃雖呈乙覽恆惴惴於心而不能自釋輒思點竄數字俾

就安貼念曾奏御事近欺飾且亦未必愈於原本也道光二年

檢點篋筒舊稿具在感沐

聖恩涕零如雨不敢棄置爰即其中可存者錄為二卷刻而藏

之家塾俾世世子孫知

先皇之葑菲不遺而臣鉞遭逢至此為可媿也二月十五日

經筵講官太子少保南書房翰林軍機大臣戶部尚書臣鉞敬識

奏御集序

一

臣鉞以戶部主事召直懋勤殿御蒙仁宗睿皇帝賜和宸章速改官翰林至庚辰之秋已三十年矣積至五六百篇顧或宸游扈從賡韻未安內宴聯吟僅成俄頃雖呈乙覽恆惴惴於心而不能自釋輒思點竄數字俾就安貼念曾奏御事近欺飾且亦未必愈於原本也道光二年檢點篋筒舊稿具在感沐聖恩涕零如雨不敢棄置爰即其中可存者錄為二卷刻而藏之家塾俾世世子孫知先皇之葑菲不遺而臣鉞遭逢至此為可媿也二月十五日經筵講官太子少保南書房翰林軍機大臣戶部尚書臣鉞敬識

臣鉞以戶部主事召直懋勤殿御蒙仁宗睿皇帝賜和宸章速改官翰林至庚辰之秋已三十年矣積至五六百篇顧或宸游扈從賡韻未安內宴聯吟僅成俄頃雖呈乙覽恆惴惴於心而不能自釋輒思點竄數字俾就安貼念曾奏御事近欺飾且亦未必愈於原本也道光二年檢點篋筒舊稿具在感沐聖恩涕零如雨不敢棄置爰即其中可存者錄為二卷刻而藏之家塾俾世世子孫知先皇之葑菲不遺而臣鉞遭逢至此為可媿也二月十五日經筵講官太子少保南書房翰林軍機大臣戶部尚書臣鉞敬識

奏御集卷一

經筵講官太子少保南書房翰林軍機大臣戶部尚書臣黃鉞

古今詩一百六首嘉慶庚申  
至庚辰

恭和 御製得雨敬感元韻

嘉貺便蕃錫甘霖曉夜連精誠通以

聖至德動惟

天稼穡斯為寶人情卽是田休徵山澤氣時握雨暘權巖霧層  
層穀峯雲處處綿玉禾分畛布黃犢帶犁牽頓覺膏腴徧全令  
暘暑蠲者番真沃足此理本勞先宵旰 勤求久馨香默禱虔  
省刑施曠蕩解網釋尤愆感泣交南隸歡融雪嶺巔秦兵應洗  
甲蜀戍忭銷烟勇勵勳鑄石忠旌矢貫輒相看持虎節長此脫  
龍泉戰士歸新伍征夫服舊阡東山何樂只南畝正油然 睿

奏御集卷一

藻因時念鴻鈞大氣旋珠璣承 灑翰鸞鳳欲陵仙滂沛 恩

同溥流行驛共傳愛民如愛穀夙夜 一心肩

嘉慶庚申冬十二月卓里克圖親王拉旺進白鷹科爾

沁達爾漢親王丹怎旺布進海東青

上召畫工各繪為圖並 命臣珪臣元瑞臣文幹臣興岱臣

秉冲臣鉞分賦臣鉞得海東青七律四首

勁翮摩天大海東張羅橫截九秋風一從華紉金環繫更覺飛  
揚顧盼雄擎出名王 丹陛獻擾教閭隸玉毛豐艸間狐兔方  
偷活會看扶搖奮擊功

刷羽新從靺鞨來殊姿也作雪霜暎雙飛上薄同雲色獨出還

珍大獵材不比越裳重譯至欲垂王會畫圖開笑他飛放空成

泊但為凡禽築瞭臺

捺鉢春嬉鴨子河縱飛羽虎捉頭鷺明珠唳裏知誰得寶鈔官  
家賚已多陳迹遼金歸版籍 盛時化育罷虞羅鷹揚衛士紛  
無數自有來儀叶

帝歌

攬身巖石貌如生側目蓬瀛萬里晴孤立羞同凡鳥竝回翔幾  
見海波平氣如老將雄無敵神似支公駿不驚豈有臬鸞待分  
別陽和布澤聽催耕

恭和 御製述憂詩二十韻元韻

開春奏三捷送喜馳新年餘兇盡癡突蔽野而填川

天子執奏久晝漏箭起蓮 曰吁吾蒼赤冥頑何爲然雖自壽

養絕忍視溝壑填奈何琉璃脆欲試金剛堅發爲五字吟邈矣

皇心傳惟

奏御集卷一

二

天最仁愛不救賊命延濟秦兔穴伏竄蜀狐山踰與楚並三窟  
一鼓咸殲焉譬如大旱雨糜爛入地喙又如疾靄震轟走野鹿  
祇手提元元眾目覩蒼蒼天岷峨高叢叢江漢流濺濺安居力  
耕糗萬井欣生全窮黎相慰勞洗濯瘡痍痊功成頌聲作  
郊告先皇乾行慶更報力大賚太府泉紅塵易青苗劍戟皆改  
前和甘徧九有後樂憂曾先

恭和 御製靜明園龍神廟謝雨元韻

疆理南東總渥優黍苗已膏麥祠收園花扶 輦千巖潤祠樹

承雲萬葉稠聽 命百神惟眷德爲農 聖世不知愁軍功合

先田功歲載戢干戈賀立秋

恭和 御製上元日作元韻

麗景條風節候佳青陽開動遂根芟九衢燈火占民樂萬井農

桑愷

帝懷雪霽羣山青人仗湖融新水綠生涯連朝湛露承  
恩宴拜舞聲隨鳳瑄諧

恭和 御製午熟元韻

籌戎月三捷望雨旬再降獨涼陋唐文忍暑對李絳遠塵土荷  
戈近軫野方糗束蒲已不流逐獭猶吠巷蒲逆鐵戮殆盡  
荷逆尙匿老林火繖  
易清涼鬻鼓息喧闐 揮絃歌薰時解愠化頑愆

恭和 御製雪意六韻元韻

龍公將再雪重釀滿湖雲積已深三寸豐應兆十分十五日夜  
已得雪二  
寸本年畿輔  
秋分九分氣蒸山近遠暖借霧氤氳擬紅鮮飯先書白戰

勳遺蝗潛瑟縮狂犬漫紛紜好待瓊瑰屑

天懷卽事欣

奏御集卷一

三

癸亥春帖子詞

獻歲月幾望班春夜未央蒼龍方在御 紺殿溢祥光正月十  
四夜子  
時立春是日  
上詣齋宮祈穀

先春鷺曲鏡歌奏迎臘鱗脰雪澤仍更爲蒼生增喜氣九衢烟  
月萬家燈

梅萼紅爭華勝麗柳稊青共曉雲浮東皇欲慰 勤民力特衍

韶光待 豫游

恭和 御製消夏八韻元韻

閱摺

雞人剛踣且章疏啓延和事必窮燕說書時看馬詔 疇咨羣

更切渙汗 渥恩多濡染丹豪速花飄日未過

召見

日不拘雙隻時惟進厥良

天容本溫霽陞奏自安詳  
惻惻風還古訝謨  
聖所臧黏衣留李絳  
卻忘北窗涼

觀書

萬幾猶不息視事復觀書  
既得精微蘊無妨  
糟粕除篆烟紫幌  
上日影度階徐三鑑  
天懷契卿雲妙卷書

淪茗

不用君謨貢精修北苑中  
甌香鶯色祕湯嫩火光融  
沉瀆承荷露清涼引竹風  
雲腴天上好七椀笑臣全

披薰

笑彼披襟快來延解愠  
薰笙竽空際奏殿閣靜  
中聞隔浦荷翻

奏御集卷一

四

翠過畦稍送芬

關心更征士歸馬逐炎氛

對雨

凍雨挾雲上迷漫  
倏滿天來徐風釀勢灑  
急樹生烟黍稌遮邨  
屋金絲咽石泉雲山雖可畫  
難畫是豐年

舟中

綠淨渾如鏡 幾閒偶泛舟  
何妨於水鑑不是愛 宸游樓殿  
參差影蒹葭遠近洲  
雨餘風皺月涼意欲支秋

池上

靈沼漲新碧餘霞綺欲消  
游魚知樂意宿鷺振風標  
山黛濃如染蓮衣斂未飄  
卽茲激海鏡 坐對慰涼宵

甲子春帖子詞

氣暖風儲律年歸花簇新  
太儀輪甲子嘉慶萬年春

綵仗郊迎六日先土牛斑駁苧繩牽今朝裝點甚神好兩鬢平梳最少年見協記辨方書

已看太史河如鏡更見文昌氣似珠願向瀛州作芳草青青輦路絳輪扶

恭和 御製幸翰林院錫宴禮成復得長律二首命諸

王及分字諸臣和韻

集賢春曉日堂堂簪紱相聯若堵牆 盛代文明接堯舜詞林

遭際勝王揚 異恩好待羣書續正學端由

睿藻章獨有微臣最叨竊不教即署老馮唐臣鐵以戶部主事蒙恩改權贊善

遂得與茲盛典

又值蓬瀛 錫宴年繼循 曠典仰開先華筵分布東西序唐

韻重排四十賢

奏御集卷一

五

帝有恩言才共品學須經法誦還絃太平佳事千秋豔珥筆勤

將 德意宣

恭和 御製詠白鷹元韻吉林將軍秀林進

海氣團雲質寒光耀日精同眸雜寒遠刷羽 鳳池輕皓潔三

山映盤旋萬馬橫艸中狐兔盡看爾掣空行

乙丑春帖子詞

搏就媧皇土春生京兆鞭芳辰巧相值牛日復牛年初五日立春

東皇天上送春來

天子祈辛閭闔開父老歡呼童稚舞九衢真箇是春臺

元日先期告協風青郊已見遠蓬蓬宜春字擬羲之寫清宴家

家樂歲豐

恭和 御製喜雨元韻

望中圖畫幽風稿別本雲山水墨施粒我正逢收麥日兩人快  
值送梅時淋漓臺笠耕氓樂藻續郊原艸樹滋自是太平符瑞  
應不關靈感白衣慈

恭和 御製端陽日召諸王大學士及內廷翰林等至  
澄虛榭觀龍舟卽事成什元韻

靈沼緣隄翠艸豐神龍揚鬣碧波中如逢戲海擎雲出敷奏爲  
霖潤物功金艾銀符光煜煜朱旗畫鼓殷隆隆蒲觴宣勸仍懷  
賜三殿唐家未許同諸臣所飲蒲觴卽以賜之

恭和 御製廣甯道中元韻

孤城迫危殆戰守猶紛更經略擁虛號兵權歸化貞大言肆輕  
復願請六萬兵那知鋒未交 天戈已薄城倉皇擲軍書竄走  
麇靡驚可憐縮鼻笑竟作功狗烹危哉社稷事乃以門戶爭鶴

奏御集卷一

六

鳴旣左袒向高又師生斯民出塗炭天道斟酌盈  
王師若時雨一洗遼海清

恭和 御製薩爾濟詠事元韻

登場禾黍積如京 蹕路康莊鏡面平邊馬秋驕橫塞遠廚山  
雲淨極天清此時望 幸千人舞當日交馳四道兵將醉妄思  
乘雪渡師亾猶自隔河營明史杜松傳時車營五百尙阻渾河而松已敗馬劉己與沙  
蟲化士卒還聞風鶴驚一戰 神威留懾遠萬年

主器凜持盈憑臨勝景晴逾好想像雄城築始成仰矚  
珠玕鬱佳氣肅將禋祀達精誠

白雉奉

敕作

嘉慶十年歲在乙丑子月之望黑龍江將軍臣觀明獻

白雉一籠表請 宣付史館以昭瑞應

上謙德不居 詔以時和年豐民安物阜為瑞至哉

聖人之言直軌周成而過之曾何漢唐之足云故凡孝經按

神契春秋感精符概不敢徵引忘其鄙陋謨樂府三章

以頌

白雉徠古肅慎巢興安飲鄂嫩璣星精孟山穀確厥羽雅醜鶉

解一白雉徠天慶貺旃蒙冬辜之望昔九譯今一籠濯膏露翔

解二仁風白雉徠徠致福

帝曰吁有嘉德五穀熟民人和綏萬邦遂弦歌解三

恭和 御製題張照畫梅花元韻

六法仍兼八法名元章梅較阿章精宋米芾元玉冕皆字元章

人書畫兼工王則墨梅獨擅張照知其能書不知其善畫故擬之能邀

奏御集卷一

七

睿藻因雙絕修到 天家得幾生未要疲驢尋灞岸宜添孤鶴

守仙京林梢漸喜同雲合展對瓊雲更覺清

恭和 御製春郊即目元韻

細雨輕雲一半春出耕閒看太平民山莊錯落依丹嶂麥隴芊

眠接翠茵暖岸未吹楊柳雪香林微濕杏花塵 鑾輿甫駐咨

曷吏欲識民艱豈厭頻

恭和 御製喜雨元韻

陵晨京尹報時霖綠潤田原尺許淡叱犢披蓑人趙過穴渠溝

水戶桑欽鳥呼泥滑聲聲切天餞春歸綏綏斟更喜海氛同蕩

滌臺灣剪除蔡逆同日奏到

蒼穹應鑒

聖心忱

恭和 御製喜晴疊前韻元韻

烟寒霧斂旭光昭九陌清風扇竟宵送喜高柯乾鵲噪遲歸遠  
岫濕雲飄綠秧鉞水豐堪卜新麥頽肩穫倍饒耕刈皆從人願  
欲總緣 誠敬感虛寥

恭和 御製仲夏朔日命諸王大學士及內廷翰林內  
務府大臣等至澄虛榭觀龍舟詩以誌事元韻

令節開筵荷 曲慈承 恩尤幸近觀宜是日命於榭南樹  
下坐觀尤為異數  
神龍躍海金鱗活蓬島連雲碧樹滋蓬島瑤臺  
在其東 宣喚頻年陪

未坐直歸經歲有餘思須欽後樂先憂意久自  
宸衷宥密基每歲二麥有秋始開  
此宴稍歉即罷之

恭和 御製登四面雲山亭子卽景元韻

一亭如笠冠峯頭四面窗開眾妙收雲氣往來通

奏御集卷一

八

帝座山光飄縵勝瀛洲成帷林樹紅于染入闌烟嵐翠欲浮好  
是高寒登覽處瓊樓玉宇正中秋

恭和 御製塞山晚望元韻

四山回合判陰陽天幕蒼茫大野張萬竈貔貅環帳殿一天風  
露濕弓囊征鴻叫月看無影塞草橫沙勁有霜誰是 禁中頗  
收手抽豪作賦獻明光

恭和 御製題藏真集壽畫冊元韻並奉 敕書於  
御筆下方

周文矩招涼士女

鏡奩初拂曙妝燭罷籠紗閣影涼于水衣香澹勝花人疑明月  
下窗似薄雲遮只欠雕欄外銀河一道斜

趙伯駒劍門行旅

棧閣梯雲入縈盤出九皋此時平地易當日上天高疊嶂垣墉

立何人顧盼豪卻憐杜陵安登陟領兒曹

馬達寒塘宿鷺

拳足寒塘畔臨流卻不前鬚髮雲弄影莽蒼雪來天簾羽常依  
釣偕鷗其浴川一聲聞鼓吹決起禁林烟

僧巨然遠浦歸帆

片帆隨雁落遠浦極天長恰好三人共真如一葦杭居人遙注  
目臨水步周廊軟腳知何處青帘松竹岡

宋人策蹇尋春

凌兢驢子背風雪揜梅開院畫體仍古 天題興偶來霏霰增  
冷豔瘦骨荷溪培猶記茅檐底寒香水一隈

趙孟頫秋林疊嶂

峭壁千尋上山山紅樹秋招提最高處一徑入林幽遠岫猶銜  
日閒雲半繞襪披圖 天翰灑寓目當 宸游

秦御集卷一 九

黃公望雪山蕭寺

峯峯如琢玉千里洗浮嵐瑩澈諸天淨氤氳香界醜鐘聲沉杵  
杵雲氣結曇曇此卽水晶域心珠

上聖參

盛懋天台攬勝

四萬八千丈名山尺幅延石梁跨霄漢雲闕共浮懸窺奧如攀  
嶺聽泉若在川支銘與孫賦似尙落言銓

元人蚪松瓦雀

落落蚪枝蔭槎槎雀隊依投林新月上戩羽野鷹鷂目作孽椒  
點神傳啄粒飛飽餐松子熟不羨竊脂肥

元人花圃蹲獬

徑蘚瓜皮綠湖嵌鶉鷓青不聞溪巷豹微掣護花鈴萱艸高齊  
檻柴門遠隔汀晝長無剝啄一任臥芳馨

元人霜林訪友

是誰師造化設色擬霜林蘊藉山平遠丹黃樹淺淡飛花颺叢  
葦落日下遙岑一葉舟橫處幽人在碧潯

明人苔磯遠眺

秋水極天遠江空人到稀相期游汗漫攜手立巖巍靜數征帆  
過遙看塞雁歸可無垂釣者來與話苔磯

恭和 御製至靜寄山莊卽事成什元韻

三盤折疊澗東西峻嶺崇山勝會稽靜境看雲真自在寄身如  
樹是菩提上方蘭若時聞磬下界禾疇正把犁此卽蓬壺誰畫  
得漫將邱壑仿黃倪

秦御集卷一

十

丁卯春二月廿五日扈從盤山蒙 恩賜食澹懷堂並

命策馬游婉嬾艸堂諸勝奉 敕分體賦詩臣鉞恭呈

七言古詩一首

香光畫法妙入禪訪客崑山圖婉嬾流傳內府荷 鑿藏攜來  
特命懸山殿因之亦以草堂名楮墨何修得茲眷挂壁於今五  
十年金薤琳瑯題欲徧吾

皇展慕春朝

陵省耕回趨經過便勝日 傳宣扈從臣小隊雲璈開 內宴

宴罷仍令策騎游游蹤申命茲堂先石城岩嶸千棧連雪瀑琤  
琤萬珠濺到耳都成琴筑音繞身惟覺雲霞綸山入閒房翠以  
腴風傳松吹冷然善揮鞭決去眾未能上馬回頭意猶戀憶昨  
承 恩東麓游池上春風暖微扇灑文榭轉心鏡齋天宇空明

光一片此時紅杏尙含苞昨歲疏筠已抽箭江山清空我塵土  
蘇句況臣蟻蝨身尤賤何幸蓬山一再登多少周廬望而羨孤負  
山靈不可圖空藏一匹好東絹惟期萬歲奉宸游願戴茲山  
學鼇帑

恭和 御製上元燈詞元韻

六合清甯奉泰元朝正絡繹走名藩

至尊詔許陪嘉讌宣勸金卮

示慰存

是日辰刻先於御園正大光明賜宴

不須移仗上陽宮

西苑年年眾樂同特爲遠人陳百戲嗚咿

共道

帝恩洪

千尋瑤榦靜纖風一色黃金夕照融角觝正酣繩伎上泉聲和

樂響丁東

秦御集卷一

十一

同人效伎下修幢鞞舞鏡歌翔集雙鷲見金蛇飛萬道火珠騰

擲燭龍降

綠襖紅燈照眼新相將兩兩比如鱗亞身貼地排成字大有年

占萬載春

快觀火樹千枝豔

賜食浮圓列坐環惟有

小臣

最叨竊八年

五度到仙寰

甲子至丁卯及今辛未皆蒙  
戊辰至庚午在山西學政任未獲與坐

恩召觀惟

砰轟輝焮莽縱橫驚起春雷萬鼓鳴自聽鈞天來

帝所耳聾三日不聞聲

萬花競發

御輿前不爲韶華略少延跽誦燈詞欽

念典何

人敬效鄭元箋

恭和 御製春郊晴景元韻

藹藹浮陽擁玉鑣霏霏曉霧泮晴霄柳含夜雨青于染雪帶山

雲白未消幾縷炊烟橫酒望一溪新水長魚苗太平有象真堪繪處處倉困總裕饒

恭和 御製策馬度長城嶺作歌紀勝元韻

春晴雁塞歸雁行峻嶺繇巨燕晉疆螺旋綫路裊雲際直隨歸雁窺天閭長城巖嶨界嶺表跨空險越天台梁不知去地幾千尺但覺舉手摩青蒼山祇清晨趕嶠路義馭緩轡瞰朝光谿桃邨杏競迎 輦不用達路宣合方 詩成馬上句奇絕凡想一洗詩人腸青柯怯懦陋韓愈叩嶮局縮嗤王陽雄關突兀已在望立馬萬仞陵高岡四山古雪光照眼極樂國裏元清涼小臣奉

敕寫勝地對山吮筆同望洋猥蒙

天題祇自媿拙哉技不如長康時奉 勅畫長城春晴 攬勝卷子蒙 賜題句

奏御集卷一

七

恭和 御製隆興寺敬疊

皇考九言詩韻元韻

眞定大佛在昔聞所聞見乃知是大士非世尊契丹火後銅爲周人取宋伐河東復鑄興山門像高七十三尺臂卅六覆以三重大閣高陵雲其材流自五臺山河出分寸悉合載送千車輪瞻巴碑文趙孟頫所撰詳載有若列宿羅秋宵開皇六年刻石趙未見龍藏龍興未辨徒紛紜趙孟頫龍興寺瞻巴帝師碑云張公禮所撰碑稱龍藏寺孟頫益未之見耳佛香閣下至今石尙好字體波磔微帶隸與分徧尋廊無趙碑反不見月窟旣揆何必窮星辰乾隆己亥發金

命重葺解脫木臂又立何申申恭本辛丑 聖製詩注捐首斷臂我佛無

不可卽千手眼清淨仍一身

聖人之言超出萬萬古大士微笑吾亦欲云云我

皇西巡回鑾駐法苑雨師灑道風伯爲清塵乃 睿載歌九言

十九韻一掃三唐兩宋文壇軍臣請大書漢刻立寺內更億

萬載永鎮山門存圓通智慧字字具妙諦三百二十四顆牟尼

眞嘉陵佛難峨眉鐵佛殿僻陋在遠瑣屑無足論何如西鄰文

殊所窟宅爲民 祈福諸福方備陳 湛恩汪濊正與滹沱似

憑欄一望浩蕩流千春

恭和 御製度嶺十二韻元韻

臺麓初旋趨 霓旌正指東春晴欣值閏軌道驗還同嶺轉千

尋峻關臨兩界雄澗雲迷遠近海日耀瞳矓仄徑斜穿瀑危坡

緩馭馳裘溫風不厲谷暖雪微融地隔三霄迴峯仍四面崇紆

回崖尙見宛轉路疑窮人度雲根出邨由樹罅通清涼眞福地

奏御集卷一

七

淳古本堯風麥較來時綠牆猶望裏紅康莊遵大道普被

帝恩隆

恭和 御製上元燈詞元韻

棧海繩山走列藩特陳百戲答朝元

聖人寓物不留物目擊都緣有道存

朝宗衆水識歸王驛路梅花帶雪香行到 西園風日麗無邊

春色正堂堂

雪花影與銀花合火樹光連玉樹同不是 宸游娛節物卻因

豐稔愜 淵衷

鶴燄鼇山氣上騰暗塵不動錦層層忽聞一曲雲璈奏湧出長

生萬盞燈

底用金支燦秀華不須萬影門明霞通明一片紅雲護此是昇

平豐瑞花

喧喧萬鼓海潮來中有流光激射回試看樓前千樹柳一時怒發觸初雷

達且燃燈陋漢京片時曲宴絕牽縈歸鞍猶帶斜陽色西望羣山靄未平

小臣 珥筆自年年摹繪難將盛事傳願就華燈徵吉語三登歲付史官宣

恭和 御製季春湯山行宮作元韻

早荷未點葉田田 行殿崢嶸瞰綠泉  
豐豐清流淡可權浮浮 暖靄淡于烟雲開山路迴朱檻風皺簾波印碧漣  
暫駐 鑾輿 春正好祥風茂對 睿懷宣

恭和 御製天半舫晚坐元韻

奏御集卷一

古

岩堯天半聳飛樓結構虛明屋似舟時有白雲流檻下不須春水坐船頭  
燈浮塵海星廬夜風送松濤澗壑秋獨爲 神泉屋睽顧無邊佳氣日悠悠

恭和 御製大閱禮成御宮門賜宴卽席成什元韻

士卒歡呼動鳳城拜 恩稠疊習儀成握機 親授黃農法  
錫宴重申帶礪盟列宿依光欽北極膳膏升獻陋東京  
見張衡東京賦

敬勤莫負

君王訓既醉還須詠太平

恭和 御製喜雨元韻

艸長鶯飛候春餘夏始天市聲喧好雨麥氣淨芳田灑洽辰連  
未看忘日似年花含紅鬢笑山斂翠蛾妍截竹欽 親驗新膏  
幾倍前 廿三日京尹報得雨三寸此番上於 先

粵頻送喜貺答

聖心虔

恭和 御製端陽日作元韻

麥熟黃堪刈，秧新塵稍侵。詔停龍戲海天用，汝為霖水縮橋

痕淺，雲陰樹色淡，圖豐還卹穀時厯。

聖人心

恭和 御製立春日喜雪元韻

昨朝 睿製盼飄霏，一夕瓊瑤徧。穽平喜與春山資，點綴京尹進春

有春山一座巧隨華勝門，輕盈市喧到。處聞歡笑犁，徹更番驗紉贏

去冬及今已三番得雪賀罷立春仍賀雪，欣看嘒嘒樂羣生。

恭和 御製新綠八韻元韻

誰染平原綠，遙看著色齊。東風吹宿霧，南苑見新黃。時駕在南苑水

奏御集卷一

五

皺清漪，合山橫翠黛，低燒痕。經雨活村路，帶烟迷濃處。林添蔭

疏時麥，昨犁齒，蕭猶孕蕊。藟直未融泥，輒藉蒼龍駕。青黏碧

玉蹠如酥，還待潤灑翰仰。宸題

恭和 御製曠覽臺歌元韻

蔚藍下蓋天，光恢宸游曠。覽陵崇臺黑，龍潭近呼使。起為降

甘澤澄氛埃，四山空翠淨。如沃松風未斷泉，聲續坐看樹杪百

重懸。一夜春泥沒人足，翻風宿麥綠。浪平刺水新秧翠，剡生置

吏馳烟交入賀

聖人為物先存誠

恭和 御製協辦大學士吏部尚書鄒炳泰府尹李鈞

簡奏報順天府屬各州縣得雨情形詩誌感慰並示內

廷諸臣元韻

山雲遞崢嶸一雨清有餘極知所被遠未耜趨萬畝詰朝京尹  
奏濡澤千里敷

皇帝曰吁哉勤閔實做予惟茲齋次澤斯喜初不圖既資麥豆  
高亦令疏果濡嘉生競怒生一氣回春枯況蒙發米麥出糶城  
四隅 新恩方曠蕩浹洽民肌膚夏正越有旱不聞誰咎辜驗  
卦適在垢亢陽占恆符維

皇自敬德 仁心周八區不使一夫失旋斡造化樞此 詩卽  
典謨此兩真瓊酥

恭和 御製上元後一日小宴廷臣元韻

燈宴纔叨三五辰瓊筵又許綴詞臣天垂湛露歌連日春煦和  
風暖被人上 壽雍容鈞奏緩拜 恩稠疊寵光新共聆

聖訓慚惶切夙夜惟寅敢不循

奏御集卷一

六

恭和 御製孟秋時享

太廟禮成敬述 是日雨 元韻

昭格孚

天

祖明禋重禘嘗釀膏滋百穀馳奏走封疆抃舞羣萌樂 恩施  
聖德洋豐年行可頌黍稷萬方穰

恭和 御製夜雪達曙誌喜 十月十九日 元韻

又喜祥雲舞徹霄者番飛灑倍豐饒因風絮不霑泥滓近水花  
疑出葦蕭三白預知農嚇嚇六更猶趁漏迢迢依旬一再呈嘉  
瑞總是

皇衷德布昭

恭和 御製過錦州詠事恭依

皇考詩韻

王師頻壓境欲守彈丸難枉自將旗鼓何人是范韓四圍山列  
錦一桁柳栽官跋馬 題詩處耕耨萬井安

恭和 御製薩爾濟詠事元韻

耆武懷

先烈洪基啓

帝京風雲天子氣豹虎聖人兵敵壘依厨嶺 神威肅柳營一  
時麾騎下四路倒戈驚勁旅重圍破崇功五日成歡騰旋凱奏  
赫濯仰聲宏自昔 戎衣定於今砥路平 宸衷昭景企葑屋  
慶豐盈

恭和 御製至盛京再依

皇考癸卯七言長律十四韻元韻

奏御集卷一

七

紫氣瀾迴大海東萬山環拱鬱龍葱事殊漢后還豐沛典異周  
王釋會同肇造丕基欽  
列聖再巡故里飭

宸躬精禋敬展

三陵畢 渥澤瞻依一紀中星旆飛揚陵廣漠金城截業峙晴

空吏民和樂皆安堵暘雨休徵詎藉瓏 說文禱早 王為瓏 五部八旗嚴

宿衛和弓兌矢念 戎功曰臬曰應當年立靈沼靈臺不日攻

尙想霞縹懸舊壁憶隨日御駐淡宮風雲締構 崇謨遠天地

精華德產豐恭儉兢兢懷

祖訓艱難歷歷塵

皇衷幽風圖共陳無逸湛露詩仍頌有融桑梓載臨勤

帝省

橋山回望與天邊黃童白叟歡呼處蒸作扶桑瑞靄紅

恭和 御製嘉平十日悅心殿視事後雪中觀水嬉卽景用東坡聚星堂詩韻

天風散花雲翦葉鼓一中時霏稷雪朝來蓬島瓊瑤銀海漫  
汗步能絕冰牀安穩勝飛閣壺嶠延緣中周折春蠶一震冰蟾  
陳旄旌翠罕光明滅漫空龍鳳正橫飛得水蛟螭競奔掣不愆  
六步七步齊交舞千花萬花纈獲雋謹呼 萬歲三明年麥熟  
黃堪屑元冥賦瑞悅

皇心滕六呈才供一瞥此誠習戰非爲劇韓愈詩篇昔曾說會  
看新年賀太平馬卸金鞵甲礮鐵

恭和 御製仲冬廿七日大雪 雍和宮拈香卽景成  
吟用蘇軾雪後書北臺壁二首韻命諸臣和之

奏御集卷一

六

微風不動碧蘿纖滕六清塵布陣嚴侍從玉驄成白鳳續紛紺  
宇幻紅鹽巧裁瑞葉縈仙仗亂墜天花到畫簷人望瓊田盈一  
尺青葱時送麥苗尖

大於掌復亂如雅羽衛髮髻擁  
帝車看取精華宜百穀方知桃李是空花佛慈應禱周涯角天  
意憐農有室家一幅幽風眞粉本不須展挂玉丫叉

恭和 御製上元後一日小宴廷臣元韻

爆仗聲移禁苑過官懸前殿早駢羅華筵厠列慚非分 湛露  
恩深許遂歌萬井瓊瑤知歲稔連宵燈火驗人和嘉猷誰答  
堯咨切珥筆冀階負職多

恭和 御製至靜寄山莊卽事元韻

山居靈運賦空徧不識徐無漢魏年一自

天題賁林壑頓令草木耀星躔雲來高墪千尋失雨過三盤一  
碧連扈從宸游仍五日者番松翠勝于前

恭和 御製山莊夜雨喜成元韻

謾謾松聲送雨聲山高夜靜聽分明來朝應見纒鉏出此際懸  
知溝澮盈桃塢糝紅霞散綺泉紳飛白玉同清歡呼不獨農夫  
慶萬帳咸霑

帝澤宏

恭和 御製策馬至東竺庵小憩元韻

際曉風景和梨桃花滿谷流泉韻巖阿精藍宅高陸蒼松學龍  
吟寢石肖虎伏何必分東西卽此是三竺踏雲上層霄良驥邁  
天育雨餘嵐靄澄佛頭翠新沐

恭和 御製登雲罩寺定光墪元韻

秦御集卷一

九

疊嶂橫燕薊紅雲見海東浮圖陵絕頂翠罕駐高穹跌蕩天  
門啓氤氳帝座通略無飛鳥過豈有大山宮好雨連宵足浮埃  
一洗空銅鉦騰寶刹簷鐸語微風村落烟千點松林薺幾叢下  
方齊極目瑞靄在天空中

恭題 翠巖清響圖

題仰呼嵩日圖成

毓德年貞松太古壽皓月鎮常圓天籟傳清響蒼巖繞瑞烟瑤  
琴囊未御中有帝虞絃

拜瞻

天表近

堯顙類

高辛自奏薰時曲俱爲懷葛民

奎章三度誦寶墨萬年新卷

尾臣何幸夔龍許接鄰

恭和 御製喜晴元韻

連宵嘉澍協豐亨  
初日銅鉦又快晴  
槐蔭涼侵沙路淨  
荷風香遞石欄橫  
得時禾黍新膏沃  
臨水池臺曉氣清  
幾暇流觀多樂意  
犁鉏到處愜羣生

恭和 御製秋雨 六月二十日 元韻

問夜求衣尚未明  
輒因暘雨感

皇誠炷香已覺靈  
旗動撒菽旋聞殿  
瓦鳴雲影抱山迷  
槍影風聲穿竹助  
泉聲 回鑾更喜新  
秋爽西望烟巒早  
放晴

恭和 御製恭和

聖製題袖珍書元韻

賡詩袖本領諸臣  
四十年來什襲珍

秦御集卷一

三

授簡分題逢帝紀  
受天多福過君陳  
圖標嘉慶朝元日  
寺

煥庚辰恰 六旬疊兆先  
幾符瑞應億齡垂  
拱萬方賓

恭和 御製夜雪朝晴  
喜成長律元韻

淡宵再聽灑窗霏  
仙籞清嚴夜漏稀  
萬樹梅花侵曉放  
一湖寒水先去 春肥  
風飄晴絮雲移影  
日照平田玉有輝  
人壽年豐臻

上理總由 誠敬德通微

恭和 御製 御殿傳臚恭依

皇考辛丑詩韻元韻

史奏卿雲見臚傳  
朝日暎庚辛四十  
載吳粵兩三元  
乾隆辛丑長洲錢棨  
錫予蕃

以三元及第及今庚辰廣西陳繼昌亦以三元及第相距四十年  
盛事文明協先期  
繼昌為故大學士陳文恭  
天章褒世德  
家集有名言  
繼昌為故大學士陳文恭  
朝廷瑞非徒  
科目論擅書  
親捧出

竊喜職司存

臣鉞謬叨主試  
臚唱日又以禮  
部尚書例當捧  
榜殊爲榮幸

奏御集卷一

三

奏御集卷二

經筵講官太子少保南書房翰林軍機大臣戶部尚書臣黃鉞

賦

喜雨賦

奉 敕作恭和  
御製元韻

洪惟我

皇上吉因敬慎福爲德基薰風之被軫驗休徵之若時

變輅春巡每依旬而灑道 御園夏憩偶十日之愆期防逸圖

豐塵心齋而步禱津莖潤葉旋電發而風馳固已覩川原而漸

洽亦羣欣禾黍之深資迺 三壇之報祀方竣天瓢傾倒而

萬乘之輪較甫駐靄車載脂是蓋 至誠感神天人交應爲民

請命夙夜惟寅者也爾其山黛烟凝水鱗風轉雲將宵征雨師

晨遺路淨無塵樹濃于薜豐隆之鼓徐搃列缺之鞭仁展北苑

奏御集卷二

一

升龍之幅誰爲懸出西山西南宮過雨之圖坐看渲成疊嶂灑

霓旌而恐濕故緩須臾拂 翠罕而微飄幾經涵演忽占盈缶

迷隴畔之青葱遽爾翻盆失池痕之深淺于是潛消鬱燠徧沐

滋培亂跳珠兮的皪打新荷兮喧飗秋禾怒發夏卉全開青濯

龍池之柳翠霑馳道之槐神物爲霖慰 宸衷之望切農夫趣

澤喜大地之春回高閣生涼和蓮花之玉漏四檐飛溜淨蓬島

之珠埃日雨而雨恢台益恢殆圻輔之大田已足而齊豫之沃

壤兼該蓋由較五帝而勤加規三王而實核 潔誠自處抱蜀

而率道不言 普汜無私執契而於人何責天瑞地應旣屢致

其嘉祥時和年豐又重沐茲甘液行見旅生之穀斗米三錢合

穎之禾一莖數尺是以歡聲如沸喜氣生春實天倉之傾墮顧

圭璧以何珍婦媿男耕樂太平之有象水邨山郭圖幽雅而皆

真厥壤可游快見甘膏之布濩三登頻上何虞茅茹之艱屯  
皇上閔彼田功賞茲豐澍謂時雨爲力田之逢年謂重農乃爲  
政之先務載造靈壇頻勞天步行順八風動符五度本誠  
敬以摘辭匪瀏亮之徒具暖乎以潤萬物笑宋守之名亭渙乎  
而濟蒼生陋唐宗之作賦臣請載賡而爲喜雨之歌歌曰德動  
天鑒兮民人是宜浸仁沐義兮曰儉曰慈恩覃九有兮奉三  
無私百穀用成兮其樂無涯

奏御集卷二

二

聖駕臨幸翰林院禮成恭紀五言古詩一首

謹序

維嘉慶之九年歲在甲子二月癸亥

天子車駕臨幸翰林院修

前典也于是醴化昭煥

帝載緝熙日月所照風雨所及莫不懷鉛握槩蹈 德詠仁同

我太平暢我 皇風矣九載以來四放春榜

皇帝嘉惠儒林廣遴館職鴻才穎異之士鄉曲黃犒之儔排金

門上玉堂麟師師鳳儀儀不啻數百人也大哉爍乎詩所謂濟

濟多士文王以甯其斯之謂乎臣謹按翰林之文權輿揚雄長

楊賦中韋昭曰翰筆也李善曰文翰之多若林也雄殆借筆墨

為問答如西都賓東都主人類耳至唐乃名院以處有詞藝學

識及書畫醫卜之流與集賢學士禠居之或曰待詔或曰供奉

奏御集卷二

三

後別為學士院則與翰林分而為二趙宋以降職最清要故李

昉蘇易簡洪遵陳騭黃佐之徒並有撰述詳哉其言之然祇紀

述恩遇辭陳掌故而已雖唐宋諸君閒有臨幸時院在禁闈召

對就問蓋甚便易未有降 萬乘莅玉堂廣筵 賜讌分韻聯

吟合數百人以宣上德而扞下情璿璣載周 作述合揆如我

兩朝聖人之湛恩汪濊者也臣鉞以郎署末秩依光祕殿沐浴

膏澤者五年于今職業所在有類唐待詔之流近復仰蒙

聖恩改擢贊善並 命入直 南書房榮豔士林感淪肌骨益

國朝以曹郎改補館職者百六十年中僅臣張允欽臣王士禛

臣陳聶恒臣廖必琦臣陸錫熊臣程晉芳及臣鉞七人而已至

改補館職而 命入內廷者臣士禛後無有焉臣何人斯荷茲

異數捐糜頂踵不足報稱茲者恭逢 盛典得與侍從之班又

廁華筵之未詎敢以文詞淺陋不足以鼓吹休明導揚聖德自解謹攬竭愚忱用十七洽全韻撰五言古詩一首伏檢官韻僅五十九字采廣韻三十一洽中笈字足之成六十甲子之數謹拜稽首以獻其辭曰

昊天子

天子寔寓樂熙洽圖煦萬物萌趨起三王浹海波靖塵蘿山枿剗荆峽禹臬陳典謨方召夷韎鞞螭坳共簪豪虎皮載包鉀榮光燭文昌卿霽煜開霄

皇帝咨翰林先秋降 敕劄太歲在焉逢青郊舉鑿鍤二月哉生明和風不吹雲

朕將幸玉堂汝曷具箕攜丹雘暗者塗塵全積者扱龍蛇走虹梁 親灑宸翰壓

秦御集卷二

四

皇帝咨翰林學當有經法王孔毛眾先元後鄭左公穀鄒夾萬派根一原總括迺趨飲翠墨拓貞珉 賜汝十三笈詎數唐開成

漢鴻都魏鄴

聖製亦聖經

功德竝岌業五集五萬篇列架敬同插多士驚望洋口張不能嗜奮讀等身書媿著膩顏恰偉哉 鉅典修泰運周適恰 文

明協 文思元氣相翕歆至日 鑾輅臨穆穆

天容忉午門鐘鏗鯨御河水如鳴瑞烟鬱壺凍塗滌浹金絲王領羣臣鼻息屏齟齬鞦韆登瀛門正視不過裕宮牆咽金絲筍簾垂壁翼迺拜 文宣王萃蔡衣翕呬三千七十徒馨香聚如衿迺升玉堂座茗椀春萌摺載拜未遽嘗長跼效鳧喋廣筵列東西自堂排及邨大戴禮法邨室門邨中和奏延英玉饌廚

扇蕤琴瑟纒既操笙簧氣微劫潘岳笙賦都將劫悟注劫悟謂氣相衝激依磬聲清

揚倚笛韻竄圖馬融長笛賦竄圖竄圖竇羞豆供糝醅籩人實鱗鮓

噉果核以懷食菜羹用筴但覺氣甘芳那復辨肩胛學士上壽

前祇敬生畏怯奉節正當心舉步敢忘踰

皇帝咨翰林師濟材不乏作宋窟構櫨盡豫章楓柙其 賜酒

一卮宴衍非恩狎載賡張說詩 東音韻重押柏梁更聯吟浩

瀚江出碇又如下水船放溜漕河牖百九十六人目曾未逾眨

皇帝咨翰林讀書豈人憊勵品與掄才御書扁二 賜掌院學士臣朱珪臣英和文

日天祿儲才二事若盟敵譬如春雨滋應節生紫蚰不見杜子

美忠愛蓄胸膺奏賦上集賢揮灑成一噫 賚爾九家注 味

餘詩四匝

聖情見乎詞贊敢小言唾 迴鑾麗景和溫霽暖欲簞宮柳綠

奏御集卷二

未綿林花紅叫鳩情情 周孔思煌煌

堯舜業更周六十年後甲符先甲

聖駕東巡盛京祇謁

祖陵禮成恭賦

謹序

臣鉞言臣伏見

皇上膺至聖之德 紹億載之運卽位以來

祖宗垂庥 神祇降福固已六合同風九州共貫陰陽和調萬

物咸遂上乎負哉彌天地而浹翺蠕矣而猶 原誠勵勤 堯

禛舜恭盛日月之光專神明之敬穆然淵然思觀郊豐鎬之

烈光以恢崇

大業傳於無窮蓋獻享之精誠美牆之至慕積於

皇衷者于今十年矣粵以乙丑秋七月東巡狩至于興京展謁

永陵次

福陵次

奏御錄卷二

六

昭陵大禮既備

仁孝昭焉然後駐蹕陪都

躬詣

天壇

地壇

堂子祇肅周視仰

合宮之素樸撫

弓劍之留胎

規摹大法 懋膺多福行慶施惠神人以和天經惇睦辨章之

化洽驗風測水來王之眾轅唐哉皇哉猗與懿哉在昔

聖祖仁皇帝御極六十一年三舉是典

世宗憲皇帝在 潛邸時曾奉

命往謁亦越

高宗純皇帝六十年中四勤

法駕我

皇上於癸卯之秋 親承渥恩 侍奉

變輿肅將禋祀當是時也

伊

媯之業上契

神靈瑞應之徵洽于盼嚮蓋久被

默顯之照臨而垂永永萬年之

福祚矣昔唐臣杜甫於天寶十三年值元宗朝獻大清宮饗廟

及郊奏賦三篇目爲三大禮賦一時奇之夫郊廟之禮天子所

有事我朝

奏御錄卷二

七

列祖相承必躬必親二百年來略無虛歲視唐宋諸君間一親  
行者烏可倫比至太清宮迺崇祀老聃號曰聖祖世冒荒遠更  
不足云臣鉞行能無算文辭鄙淺去杜甫不可以道里計然沐  
浴

堯舜膏澤日覩非常鉅典又被

聖恩拔擢侍直 禁廷自慶遭逢 盛世實過於杜甫萬萬竊

不自量謹齋心滌慮撰謁

永陵謁

福陵謁

昭陵三大禮賦以獻庶幾杜甫賦序所云漱吮甘液游泳和氣  
以洪揚我

皇上至誠至孝之聖德于萬一焉

謁

永陵賦

皇帝建號之十年將 巡梓里 奠

橋山恢祇庸攄至誠報

功崇本 龔休垂恩紛紜禧祉浸潤黎元于時歲在旃蒙月陽

日畢詔禮官諏故事 命太常戴厥職 敕招搖與蓐收各奔

奏而警趨闐闔洞開屬車省交珥筆秉轡訓恭以寮遠游之冠

容刀之舟珠剖荆璞鳳儀陽朝

天子乃秉神明之德蒞之惟

累葉之重光

余述徽其有事且

朕名之升聞今二十有三歲休霜露于春秋用恪龔夫殷祭尙

奏御錄卷二

八

相

予之弗欽勿膠言而踰侈于是嶽立之嶷嶷而流如川循畿輔

而逶迤肖皇天之左旋緣迴紆于遼水曠暑嶙于燕山馳明駝

而方玉車鱗萃鳥旂斌如列屢卷旆旌而不耀夫何詡乎電燭

霞爛也越翼日之辛卯艘新屯而遐觀何

天柱之崔嵬與

隆業之孱顏雙峯聳其特立佳氣葱乎芊芊馬銜轡而託首土

躊躇而眷戀戒明發而晨征羌星陳而流旃肆颺舉而雲移曰

將隄乎夏原洪惟我

國家生民之初

神奇與殷元同契 瑞應共周稷合符錫姓愛新建國曼珠三

姓戡定俄朶里都斯固

天生聖人創億兆而造權輿也

肇祖中興

天錫知勇遂織仇兇以威以容越我

興祖

紹業修和游原愜邇翔泳孕遐

景祖

顯祖匹周王季克勤王家垂裕奕禩此皆啓王氣於鴻蒙

配地侔京

並天比崇

覆露六合

網維八紘是以

龍去鼎湖人慕軒轅

奏御集卷二

九

劍舄護於山靈松柏鬱其雲連服

教畏神彌於億萬千年於是

皇輿奏假素服告虔

天子淵然羨門之外歛施震燧旭卉勿穆之間觀神榆之萬葉

邁靈椿之八千似建木而晝無景冠

珠丘而蔭周圖齊志合氣

儲誠符元宗藩式禮而成秩百僚布列而罔訾紛濟濟以趨踰

秉文德而孔燠香芬弗其映盼輝焜上以燭天

靈繹惚恍以呈露若軒豁而又吟帶瑞芴魄而山委詔

歆響之所形滌餘惠以汎濩厯天漢而慶膺閔推恩而錫類允

有融以昭明道柔百神標訛羣秩莫不蜿虵迟返暗藹菁歛含

甘臭馨醉飽飲食德沕滴乎雨雲履續紛乎綬吉黃髮之髦卬

角之稚咸殮和而蔭休頌盛哉乎斯世于是

儲祉言旋 鸞旗西向復和睦之迤邐修路曠以清昶精氣溢陸而結團祥颺翼蓋而拂 行帳

天子惟精禋之未究匪遑暇盤桓於此指華月之方墜倏關橋而戾止

謁

福陵賦

我

太祖奉

天明命撫有東土用輯羣飛雄視天下克棟鄂殲哈達夷訥殷蹴輝發從明安珍葉赫下尼堪擒烏拉所推必亡所撻必蹙既駢既喙我威我厲推明人四路如林之師取遼瀋二鎮言之

秦御集卷二

十

城睇海內之氛霧蘇恐後之隸萌乃

正地紐乃

維天經拓此宏規作我盛京西扼山海東控朝鮮面臨遼水背枕白山滙滄溟而爲池指興京以爲襟奠

帝基於億載者

皇武於八埏因茲以南征北伐內撫外賓運域中如臂指制諸部如子孫渡遼河而采入如枕席以過師曠皮島於清河如抑吭而拊之建

廟

社與 宮殿具

王者之盛儀符中居於紫宮懿三殿之枚枚班十亭以分峙紛羅列乎八旗象河鼓於左右參九宮而握奇

大聖人創制顯庸雖義文何以尙茲命代之英應運蔚起曰費英東曰揚古利曰額亦都如罷如兕攻城則百壙無堅野戰則萬夫俱靡是蓋嶽降其神星屬其精翼王者之無敵贊

廟略以有成爲開國之元勳銘厥徽於太常以故食饗配於太廟幽隧陪於外壝望松楸之環聳似相顧而依依章明良之得意實千載之一時此

高宗純皇帝所以親臨奠椒而紀以詩也  
皇帝瞻

丹邱之翼翼昭穆穆而作對風雲顧盼星漢布履六典成則九司聯事司筵設席掌理移次璜珩節步圭璧奠瑞播鼗鼓之九變聽琴瑟之三和芬都荔之凝芳金支曜而秀華彬彫禾以飾竿承翠樽之洪媵齊沈泛而蘭浮滌犧牲之佗佗美膏馨之昭晰炳蕭合以駢柯猗馥升而氣斂儼陟降其來臨惟甲冑之猶存想靈依之森森于是大祝曰昔我太祖肇膺

帝錄驅剪豺狼經營

天步我

皇受命執心兢懼肆覲

耿光宣昭

鴻緒蓋德功合

先後之符故昭應啓幽明之鞫用合祛於地天調四時之玉燭愉滿堂而樂康黎人蒙其休福斯誠

靈貺之徵

神祐之篤也于是

天子優然言曰

朕述茲

大業夙夜懼弗克稱今幸民成而致力猶自以爲未盡慎也昔漢文廣增諸祀珪幣猶曰無有所祈今

朕仰奉

太祖之靈豈敢有歧其思乃澄心儲精反於齋宮攬道德收

視聽儼端居俾神明

謁

昭陵賦

臣聞石馬汗血之異蓋唐人所豔稱也方今天下急謚九宇

奏御集卷二

十一

理平

皇帝緬維

宗德虔謁

昭陵秩秩其儀簡簡其祥

弓劍在御肅乎不鳴儼然二白不竦不驚乃知前人之云非所

以揚令名矣我

大清創建國號既二百年西定燕京南臣朝鮮部列司分飭官以聯冠服騎射代遵靡愆普甯錦之險隘惟松山與杏山今灌夷而爲路弛禁防而晏然此皆

太宗鴻圖所締造

神武所昭宣獨斷惡築室之謀丁甯著訓戒之篇我

皇乃恢而崇之固而綿之有推闡之緒無變更之端所以

惠而罔恫臨而不慙

配於京而無媿色拜於

寢而有怡顏爾乃玉帛禮畢

神人遂分樽俎斯斂

法駕斯陳鸞和發音

警欬如聞 詢遺風於故里樂氓俗之懿醇觀金城之雉堞憶

擘畫之所勤乃詹盛京而繹餘思啟

太廟之尊藏赫咫尺而弗違寅天球與大訓肅受命而抑抑

惟

圖丘之捲垣疇宗祈而颺柴

皇思虔於陽位蹇

元象其歆斯答陰功於下元爰就幽而儀致追艱難之曾同降

秦御集卷二

三

藐尊以卽卑於

考恩之何渥

帝敬承而重之溯文思於過皇恭 釋奠於

先師總羣靈于在宥播大鈞以吹萬

神人之歡允洽

皇王之猷斯煥

天子升崇政之殿

渙大號之汗暢庶類之歡心永萬年之

洪算綏後祿之庥嘉餞

神餘而爲晏樽酌不及醴飲天衢湛露晡陽在涇泛鳧 賜爵

一級 蠲所過租 詢黃髮於故老廣青衿於壁雍旼旼穆穆

熙熙邕邕聲教布濩盈溢幽荒自夫高麗之陪臣以及蒙古諸

藩王莫不 風濡破化沉潛而洽而頌吉事之有祥

天子迺續述前緒闡繹韶咸摛 天藻而作頌參二典而爲三  
蓋以章聰聽之

彝訓而溥

帝祉之洪覃也于是告我

裕陵歸欵

太廟指迴司方候移式道六龍矯首七萃騰趨旣綏旣愉乃華  
乃耀朱輪忘纖埃而輕飄闔井喜雞鳴之不擾于是門開誅蕩  
瑞炳

皇都由庚物理天保靈符受 明堂之賀披赤文之圖沛

神貺之富頌曰肅肅

園寢九九松柏皇皇

奏御集卷二

十四

惟 聖后作對以德 德眷萬年日惠篤敘 錫羨垓埏以敷厥庶

神克歆惟

帝克仁得一維清於萬斯年

皇上五旬萬壽恭紀述山之篇

謹序

嘉慶十有四年歲在屠維月惟橘陽恭逢

皇上五旬萬壽聖節於時九有臚歡四海獲福

天人協應年穀順成昌光擢譽之氣甘醴景卿之瑞 仁洽道

豐萬祥畢集自黃圖赤縣以訖八殞八絃八極之外丈夫女子

之民大人君子之國莫不額頌延同聲合頌以祝

聖天子億兆京垓無疆之壽而 睿懷冲挹方以 恭儉開萬

福之原 詔封曷大吏非奉 召毋許籲請申祝厥貢方物不

得飾以珠玉中外臣工進獻祝

嘏之辭一歸體要毋得稍涉佻巧動色 誥誠申命再三盡堯

辭舜祝禹崇卑宮 壽以政年覆載同永先聖

後聖其揆一也

臣文辭淺薄行能無算渥蒙

聖恩拔擢詞垣備員 禁近頃復疊奉

恩綸視學三晉特以職守所羈不得躬身班聯之末同效嵩呼

臣謹按天保之三章曰如山如阜如岡如陵其六章曰如南山

之壽此詩以九如歸美于上而取象于山者凡五而小雅南山

有臺之詩一則曰萬壽無期再則曰萬壽無疆亦必以南山北

山起興孔子曰仁者樂山仁者壽注云仁者樂如山之安固自

然不動而萬物生焉疏云仁者壽者言仁者少思寡欲性常安

靜故多壽考是古今來洪算無窮壽與天齊者莫山若矣山西

為 神京右臂名山之在其境見于典籍者他郡縣莫能比數

太行王屋中條雷首橫亘於其南姑射綿霍龍門砥柱盤亘於

其西崑山恒嶽勾注管涔崧嶽於其東北誠天地之奧區神人

之窟宅也而射汾之間平陽蒲坂安邑又為堯舜禹所都山川

奏御錄卷二

五

靈秀其光氣至今猶熊熊魂魂焉臣南抵大行北逾雁門輒見  
烟巒雲岫草木榮暢石屋山茨人民和樂舉欣欣然具有仰望  
翠華臨幸之意莊子云山出口春秋說題詞云山之爲言宣也  
淮南鴻烈解有說山訓臣亦假借山靈問答之言撰述山一篇  
竊附於天保南山有臺之詩人以宣布我

皇上福祿壽德謹再拜稽首以獻其辭曰

北山愚公行年九十逍遙自得鑿井而飲耕田而食畢力於太  
行王屋之間輟耒於冀南河北漸濡堯舜之淳風浸淫太  
平之渥澤不識不知思造藐姑射神人而質焉于是踰溲澤濟  
汾河越平陽窮澗阿訪禮聖拜師之蹟探蓮花鹿女之奇綠潭  
激鏡丹崖蔽曦硤天池之滯注躡三磴之孤危長生之殯如斗  
萬年之木交枝乃顧石室而投策面神人而陳詞曰蓋聞處隘

秦御集卷二

六

窾者不知日月之光臨潢汗者烏覩江海之大今世棲息巖阿  
僻處荒外山屐田衣鹿裘索帶蓋自嬰孩以至老耄但覺負沖  
抱和而不知此身之何以常泰比者風不鳴條雨不破塊露五  
色而滲離雲千呂而靈霽黃銀碧玉效其珍象載器車涌其瑞  
天貺具臻人瑞時尙咎動神音山傳稱響鬢鬣之童不掩雉期  
頤之叟不扶杖其行填填其視顛顛被和食德各適其天曾不  
異乎懷葛之年雖聳誓無與文章鐘鼓之觀而侏儒問天於修  
八席乎近焉吾子託根於伊媯之都盤礴於河汾之域照爍乎  
糾縵之光華親炙乎中天之顏色擊壤歌衢夏城舜宅貳室五  
府米廩雷澤烏奕乎千秋粲爛乎圖籍隆基猶存盛蹟如昔以  
今觀古必有所得願就吾子敬聆乎熙洽之鴻庥廣運之  
聖德以擴我見聞而開我茅塞神人于是避席而起逡巡而言

曰懿我

皇清之受

命也

天作高山 發祥長白

聖

聖相承神京是宅被 風濡化者荒極之所不能窮樹領蛾伏

者章亥之所不能步以視夫帝堯所治二千四百三十餘萬頃

曾不足以比數又何論乎蒲坂安邑舜禹之所御方今

聖人宮天地懷網緼乃聖乃神乃武乃文 英規茂矩 帝夏

皇春 恭儉過於神禹 文章煥乎華勲吾子試屏息傾耳以

聽吾將告子以所聞夫日煥星輝雲恩雨澤者天地萬古不息

也方軒邁扈比舜陵嬀者

秦御集卷二

七

聖人自然合德也以臣伏處岫穴之中逃聽廟廊之上 仁天

智神 海甸春養其 至德之高崇淵深洽於無垠臣愚陋不

能得其二三請卽詩書所載同度量者爲吾子譬况焉若夫

盛日月之光專神明之敬奉燔瘞於

郊宮勤 祈保於萬乘盼鸞豐融和甘孚應 二郊記成兼懷

感慶 命史臣纂天文時憲之志 召保章定中山星度之分

帝堯之欽若同其

聖也駕言俎東陪京

合宮 規摹大法

聖祖

神宗仰三殿之屹業峙十亭之高穹撫石馬之

偉蹟嘉糠燈之素風書戰松杏載聞

武功伊祁之親睦周王之達孝孰與比其隆也準上比下同俗一民 紉華屏欲 原誠 箴勤 先之以導言納諫 濟之以刑秋賞春 寫無逸於屏風 擴弄田於鈞盾 授衣鑿吉貝之圖 劭農績耕織之詠 辨義利以正人心 慎刑法以惜人命八旗垂 箴宗室著 訓 崇儉則諷以篇章 戒逸則屢申嚴令 已飢已寒 曰咨曰振 淳化所施 洪恩所潤此又 勤政 愛民合堯舜禹湯數聖人之政而爲聖天子一人之政者也至若 定三省之亂民 平七年之逋寇如湯沃雪如杵投白曾不逾時而 大功膚奏則有苗之格窮鳥困獸自息其鬪也乃若萃

唐虞於一家儷

作

奏御集卷二

六

述於六籍旣文穎之續編復唐文之是集配全詩而並葉亦聖人之

祖述蓋觀乎

天文富有日新巍巍蕩蕩如綽如綸耀台衡而究天人者庶幾哉戒山垠歌薰時玉牒盤銘之辭可擬議之此則臣所聞而知之者然挂一漏萬忘精得麤天地不可量日月難爲摹吾子生陶唐之世爲太和之民顧日游於悶悶淳淳而自等山澤之癯乎北山愚公仰而歎俯而思怡懌悅服不自知其手之舞之足之蹈之夫涉踣躡猥積之窮岫足莊壇則頽忘蹭蹬也聞陽阿采菱之凡響耳英莖則若去聵聵也今臣從吾子得聞 元化之翔洽

上德之隆盛若宵行者導以燭鑒景者臨以鏡也顧安得翦榛

芳闕寄嵌望 屬車之塵奉

皇輿之躅而

臨幸於三晉乎清涼居士聞而歎曰夫尊名楚號封禪之美談

問俗省方

帝王之洪業二子於 邳治之隆猶厲揭濯沐而未沉潛市洽

也臣之伏處于五臺也俯滹沱瞰雲朔東有離岳火珠西有麗

農瑤室洞光珠樹在其南玉潤瓊枝陵其北中峯有自明之金

環光之壁是名清涼曼珠道場游行居住時現法光五頂如銀

千峯似錦北臺最高去天為近其華則金葉玉蓮鉢囊日菊百

枝玉仙其菽則天花地花金莖銀盤其異草嘉卉則膏薶雞足

菩薩之綫蒙茸於支峯蔓壑其貞木靈藥則娑羅長松滋榮於

冰澗溫泉金銀之氣上燭於雨雪之霄滄瀛之景遠攝乎東臺

秦御集卷二

九

之顛謝靈運山居之賦楊銜之仰藍之記殆不能紀其巖壑之

妙稽其經構之年况復為

列聖之所警趨山川貢其奇麗而草木發其鮮妍乎于是二子

相顧俛然改容爽然自失曰敬遵所聞願吾子畢之居士曰在

昔

聖祖仁皇帝之莅茲山也建翠蓋

乘六龍踰龍泉騰五峯隸萌為之鼓舞年穀為之登豐

天題雲篆照耀崖谷者徧乎梵宇琳宮而靈葩琪樹得邀

宸詠殆悉數之而不可終窮亦粵

高宗純皇帝之繼

武茲山也珠璧凝象龍象效靈嘉玉獻紫吉雲垂青為民

祈福

鑿輅頻經益

行慶施惠

蠲租賜福載於

聖集者不啻數十篇而

愷澤滂流浹洽於今者且二十有四年乃者側聞封疆大吏上

太平之書慶無疆之祚攬忱竭款將籲請我

皇上之錫福而飭山祇先趨嶠路也于斯時也揚金戛鳴玉鸞

造鷲嶺參竺乾敷天咸祝率土臚歡 延洪納祉永承萬年徽

兹山遭逢

三朝之臨幸載籍未見封泰山禪梁父七十有二君徒夸符瑞

罔勤民事又烏足觀哉方將與子觀

天日之顏效嵩華之祝吮甘漱和快然自足詎止三晉被其

奏御集卷二

三

繁禧蓋薄海內外咸登壽域岐行喙息蠕動翯飛悉蒙 禔福

也于是二子雀躍鳧藻樂不可支願偕吾子同聲頌之頌曰穆

穆我

皇率

祖

考攸行 壽性真兮名山崔巍望

君之來

壽一人兮

聖德淵懿天貺萬吉 壽兆民兮厥 德汪洋化及梯航 壽

萬國兮萬國來賓山川效珍 壽無極兮 繁祉蟬聯

天地齊年 壽不可測兮

臣鉞自嘉慶庚申以額外主事入直 內廷用子改官翰林十餘年閒洊升正卿

今上卽位奉 命參與軍機五年道光丙戌 子告歸里蓋至是二十八年矣猥蒙

兩朝聖恩 錫予便蕃至優極渥 御書 御集以及藏書法

帖名畫文房祕翫累帙盈箱不著於錄何以榮

君賜而傅子孫爰彙書一冊敬謹弄藏以誌非常之幸遇至於國慶宴賚例賞 特恩人參貂裘蟒服文綺紗縠數珠節物時

果之屬無歲無之筆不勝載概從略焉嗚呼 臣鉞老矣無路可


報 殊恩讀之唯增慚慙以沒世已耳道光十二年壬辰夏六

月

子告光祿大夫太子少保戶部尚書在籍食俸 臣黃鉞恭記

兩朝恩賚記

一



兩朝恩賚記

予告光祿大夫太子少保戶部尚書在籍良俸臣黃鉞恭記

聖祖仁皇帝萬壽盛典一百二十卷

高宗純皇帝聖訓三百卷

皇朝通典一百卷

皇朝通志二百二十六卷

皇朝文獻通考三百卷

欽定廓爾喀紀略五十四卷

欽定平定臺灣紀略六十五卷

欽定西域同文志二十四卷

欽定康濟錄四卷

國朝錢唐陸曾禹集俛國璉進本名救饑譜

兩朝恩賚記

仁宗聖製味餘書室全集四十卷

聖製詩初集四十八卷

聖製詩二集六十四卷

聖製詩三集六十四卷

聖製詩餘集六卷

聖製文初集八卷

聖製文二集十四卷

聖製文餘集二卷

聖製嗣統述聖詩二卷

聖製全韻詩四卷

聖製全史詩六十四卷

欽定剿平三省邪匪方略三百五十二卷

欽定剿平三省邪匪方略續編三十六卷

欽定剿平三省邪匪方略附編十二卷

欽定平定教匪紀略四十二卷

欽定新疆識略十二卷

欽定明鑑二十四卷

欽定全唐文一千卷

欽定大清會典八十卷

欽定大清會典事例九百二十卷

欽定大清會典圖一百三十二卷

今上養正書屋全集四十卷

御製詩初集二十四卷

欽定大清通禮五十四卷

欽定左傳讀本三十卷

易經四卷

史記七十卷

補後漢書年表十卷

續資治通鑑二百二十卷

建炎以來朝野雜記甲集二十卷乙集二十卷

漢官舊儀二卷

帝學八卷

仰藍記五卷

輿地廣記三十八卷

文子續義十二卷

方言注十三卷

兩朝恩資記

三

說苑二十卷

直齋書錄解題二十二卷

楚辭箋注十七卷

張燕公集二十五卷

九家集注杜詩三十六卷

河東先生集四十五卷

李衛公集十卷外集四卷

樊川文集二十卷外集一卷別集一卷

三劉文集六卷

元豐類稿五十卷

南豐先生文集五十一卷

淮海集前後集四十六卷長短句六卷

兩朝恩賚記

柯山集五十卷

排韻氏族大全十卷

元文類七十卷

雲笈七籤一百二十二卷

秦漢文鈔十二卷

郭明龍選賦六卷

今文選八卷

文儷十八卷

楊文懿公稿二十三卷

嵩嶽志五卷

續莆陽文獻二十卷

日知錄三十三卷

守令十一卷

畿輔安瀾志五十六卷

浙程備覽五冊

共五千三百九十七卷

御筆

仁宗賜扁養福增壽

仁宗御筆賜十五大福字

今上御筆賜扁引年頤志

御筆玉瀾圖繪依光近綠野襟懷養福長賜聯

御筆賜十五老臣壽字

御筆賜大福一字

御筆賜福壽十大字

兩朝恩賚錄

御筆畫蘭扇一柄

賜帖

世宗御書四宜堂法帖八冊

高宗御筆瘞鶴銘法帖一冊

高宗御刻三希堂法帖三十二卷

高宗欽定淳化閣帖十卷

高宗甲子幸翰林院聯句墨刻一冊

高宗御製盛京賦四體墨刻四冊

仁宗甲子幸翰林院聯句墨刻一冊

臣黃鉞奉

仁宗再舉東巡展謁三陵大禮慶成記墨刻一冊

御製盛京頌墨刻一冊

御製松山之戰書事墨刻一冊

臣黃鉞奉

御製勤政殿記墨刻一冊

御製風霾記墨刻一冊

今上御筆玉瀾堂錫宴十五老臣詩墨刻

開元泰山銘墨刻四冊

唐曾義道妙法蓮華經墨刻七冊

御賜前人書畫

王維捕魚圖一軸

宋徽宗白頭雙棲圖一軸

唐寅桐陰高士一軸

陸包山送行圖一軸

王穀祥花卉一軸

尤求十六應真卷

董其昌行書一軸

兩朝恩賚記

賜硯

康熙御銘綠端石松鶴硯

胡盧匣綠端石硯

琥珀匣綠端石硯

金星歛石芾字大硯

歛石石渠方尺大硯

端溪小橢圓硯

端溪松根式硯

端溪天然小硯

紫石風字小硯

文玩

康熙年胡盧圓合

雍正年畫漆福壽香合

乾隆年胡盧椀

乾隆年胡盧大小盤三箇

乾隆年霽青大花瓶

仁宗御製詩三清茶椀

胡盧上圓下方瓶

雕花沉香商金椀

印花定窰花瓶

三足丙字銅鼎

仿柴窰小花瓶

仿汝窰八稜花瓶

畫漆唾盂一對

西洋時辰表四元

伽南朝珠

翡翠玉朝珠

玉器

金玉如意一柄

鑲玉如意四柄

八卦雙螭玉椀

痕都斯坦葵花雙環玉椀

鏤空雜花玉椀

青玉羽觴有流玉杯

白玉蓋椀

單耳舊玉酒杯

描金三足玉盤

青玉三寸玉盤

舊玉三陽開泰山子

半邊胡盧酒杯

舊玉雙玉蘭兩聯酒杯

白玉羽觴

青玉羽觴

鏤花橢圓玉筆洗

碧玉小酒杯一對

青碧玉大小杯六事

白玉烟壺

白玉雙螭帶鈎

大小玉拱璧四元

兩朝恩賚記

八

